

四庫全書

集部

欽定四庫全書

集部  
花草粹編卷十三

詳校官編修臣周瓊

侍讀臣孫球覆勘

總校官檢討臣何思鈞

校對官中書臣石鴻緒

謄錄監生臣羅佑相

欽定四庫全書

花草粹編卷十三

明 陳耀文 輯

中調

賀明朝

歐陽炯

憶昔花間相見後，只憑纖手暗拋紅豆。人前不解巧傳  
心事，別來依舊辜負。春晝碧羅衣上，蹙金繡，覩對鴛  
鴦空裏。淚痕透，想韶顏非久，終是為伊，只恁偷瘦。

朝玉塔

杜壽域

簾捲春寒小雨天  
牡丹花落盡惜庭軒  
高空雙燕舞翩翩  
無風輕絮暗墜苔錢  
擬將幽怨寫香箋  
中心多少事語難傳  
思量真箇惡因緣  
那堪長夢見在伊邊

玉堂春

晏同叔

帝城春暖御柳暗  
遮空苑海燕雙雙  
拂颺簾籠女伴相携  
共遶林間路折得櫻桃  
插髻紅昨夜臨明微雨  
新英徧舊叢寶馬香車  
欲傍西池看處楊花滿袖風

二

後園春早殘雪尚濛烟草數樹寒梅欲綻香英小妹無  
端折盡釵頭朶滿把金樽細細傾憶得往年同伴沉  
吟無限情惱亂東風莫便吹零落惜取芳菲眼下明

後庭宴

庚溪詩話

石刻

宣和中  
掘得

千里故鄉十年華屋亂魂飛過屏山簇眼重眉褪不勝  
春菱花知我銷香玉雙雙燕子歸來應解笑人幽獨  
斷歌零舞遺恨清江曲萬樹綠低迷一庭紅撲蔕

望遠行

韋莊

欲別無言倚畫屏，含恨暗傷情。  
謝家庭樹錦鷄鳴，殘月落邊城。  
人欲別馬頻嘶，綠槐十里長堤。  
出門芳草路萋萋，雲雨別來易東西。  
不忍別君後，却入舊香閨。

遊方怨

顧曼

簾影細，簾紋平。象紗籠玉指，縷金羅扇輕。  
嫩紅雙臉似花明。兩條眉黛遠山橫。  
鳳簫歇，鏡塵生。遼塞音書絕，夢魂長。  
暗驚玉郎經歲負娉婷。教人爭不恨無情。

臨江仙

滕子京

湖水連天天連水秋來分外澄清君山自是小蓬瀛氣  
蒸雲夢澤波撼岳陽城 帝子有靈能鼓瑟淒然依舊  
傷情微聞蘭芷動芳馨曲中人不見江上數峯青

東坡

夜飲東坡醒復醉歸來髣髴三更家僮鼻息若雷鳴敲  
門都不應久立聽江聲 長恨此身非我有何時忘却  
營營夜來風靜縠紋平扁舟從此逝江海寄餘生

春暮

晁無咎

綠暗汀洲三月暮，落花風靜，帆收垂楊低。映木蘭舟半  
篙春水滑。一畹夕陽愁。灞水橋東回首處。美人親上  
簾鉤。青鸞無計入紅樓。行雲歸楚峽。飛夢到楊州。

李端叔

九十日春都過了，尋常偶到江臯。水容山態兩相饒。草  
平天一色。風暖燕雙高。酒病厭厭何計。那飛紅更送  
無聊。鶯聲猶似耳邊嬌。難回巫峽。夢空恨武陵桃。



感舊

陳去非

憶昔午橋橋上飲，坐中多少豪英。  
長溝流月去無聲。杏花踈影裏，吹笛到天明。  
二十餘年成一夢，此身雖在堪驚。  
閒登小閣看新晴。古今多少事，漁唱起三更。

秦少游

千里瀟湘接藍浦，蘭橈昔日曾經。  
月高風定露華清。微波澄不動，冷浸一天星。  
獨倚桅檣情悄悄，遙聞妃瑟泠泠。  
新聲含盡古今情。曲中人不見，江上數峯青。

晁叔用

憶昔西池池上飲  
年年多少歡娛  
別來不寄一行書  
尋常相見了  
猶道不如初  
安穩錦屏今夜夢  
月明好渡江湖  
相思休問定何如  
情知春去後  
管得落花無

程正伯

濃綠鎖窓閒院靜  
照人明月團圓  
夜長幽夢見伊難瘦  
從香臉薄愁到翠眉殘  
只道花時容易見  
如今花盡春闌  
畫樓依舊五更寒  
可憐紅綉被空記  
合時歡

夜景

李知幾

煙柳踈踈人悄悄  
畫樓風外吹笙倚欄聞喚小  
紅聲薰香臨欲睡  
玉漏已三更坐待不來來  
不去一方明月  
中庭粉墻東畔小橋橫  
起來花影下扇子撲飛螢

阿初方去

趙德麟

枝上粉香吹欲盡  
依前庭院春風更誰同  
遶摘芳叢漏殘金獸冷  
信斷錦屏空看結燈花  
愁不睡酒闌無夢  
相逢淒涼長判一生中  
不知雲外月永夜在房櫳

立春

自名鴈  
後歸

賀方回

巧剪合歡羅勝子  
釵頭春意翩翩  
艷歌淺笑拜嫣然  
願  
郎宜此酒行樂駐華年  
未至文園多病客  
幽襟悽斷  
堪憐舊遊夢  
掛碧雲邊  
人歸落鴈後  
思發在花前

憶舊

張弘範

千古武陵溪上路  
桃源流水潺潺  
可憐仙契剩濃歡  
黃  
鸝驚夢破青鳥喚春還  
回首舊遊渾不見  
蒼煙一片  
荒山玉人何處倚  
闌干  
紫簫明月底  
翠袖暮雲寒

石孝友

一霎狂雲驚雨過月華恰  
到簾幮檻前疊石翠參差洞  
房相見處燈火乍涼時  
睡玉眠花愁夜短恁恁共惜  
佳期風梧不動酒醒遲好  
同蝴蝶夢飛上鳳凰枝

二

醉袖吟鞭行色裏帽簷低  
處風斜晚山一半被雲遮  
殘陽明遠水古木集棲鴉  
暮去朝來緣底事不如早早  
還家曲屏深幌小窓紗  
翠沾眉上柳紅搵臉邊花

自詠

劉德脩

我似萬山千里外悠然一片歸雲官銜猶自帶云云誰  
知前進士已是故將軍 閒行閒坐閒飲酒閒拈閒字  
閒文諸公留我笑紛紛一枝簪寶髻六幅舞羅裙

閨怨

劉叔安

蕩紫飄紅芳信斷都無人問穠纖吟鞭倚醉問涼蟾香  
消金縷篆塵壓寶粧奩 夢峽朝雲飛不到一春離緒  
厭厭却疑歸燕礙重簾心期花底誤眉恨柳邊添

晁叔用

雙舸亭亭橫晚渚  
城中飛觀差我畫  
橋燈火照清波  
玉鈎平浸水金鎖  
半沉河  
試問無情堤上柳  
也應厭聽離歌  
人生無奈別離何  
夜長嫌夢短  
淚少怕愁多

顧夙

碧染長空池似鏡  
倚樓閒望凝情滿  
衣紅藕細香清  
象床珍簾山障掩  
玉琴橫  
暗想昔時歡笑事  
如今贏得愁生博  
山爐煖澹煙輕  
蟬吟人靜  
殘日傍小窓明

晏叔原

東野亡來無麗句于君去後少交親  
追思往事好沾巾  
白頭王建在猶見詠詩人  
學道深山空自老  
畱名千載不干身  
酒筵歌席莫辭頻  
爭如南陌上占取一年春

離懷

王逐客

別岸相逢何草草  
扁舟兩岸垂楊綉  
屏珠箔綺香囊  
酒深歌拍緩  
愁入翠眉長  
燕子歸來人去也  
此時無奈昏黃  
桃花應是我心腸  
不禁微雨流淚濕紅粧



閻選

雨停荷芰逗濃香  
岸邊蟬噪垂楊物  
華空有舊池塘不  
逢仙子何處夢  
襄王珍簾對歌鴛  
枕冷此來塵暗淒  
涼欲憑危檻恨偏  
長鶉花珠綴猶似  
汗凝粧

李後主

櫻桃落盡春歸去  
蝶翻輕粉雙飛子  
規啼月小樓西玉  
鈎羅幕惆悵暮煙  
垂別巷寂寥人散  
後望殘煙草低迷  
爐香閒裊鳳凰兒  
空持羅帶回首恨  
依依

續陳云親見後主梵葉書塗注數字未嘗不全蘇子  
由題此詞云淒涼怨慕真亡國之音也

西清詩話云後主園城中作詞云櫻桃結子春歸盡  
蝶翻金粉雙飛子規啼月小樓西畫簾朱箔惆悵捲  
金泥門巷寂寞人去後望殘烟草低迷詞未就而城  
破墨莊謾錄云劉廷仲為補之云何時重聽玉驄嘶  
撲簾柳絮依  
約夢回時

二

庭空客散人歸後畫堂半掩珠簾林風浙浙夜厭厭小  
樓新月回首自纖纖春光鎮在人空老新愁徃恨何  
窮鎖窓力困起還慵一聲羌笛驚起醉怡容

宮詞

鹿虔扈

金鑰重門荒苑靜綺窓愁對秋空翠華一去寂無蹤玉  
樓歌吹聲斷已隨風 煙月不知人事改夜闌還照深  
宮藕花相向野塘中暗傷亡國清露泣香紅

柳

許庭  
庚溪詩話

不見昭陽宮內柳黃金齊撚輕柔東君昨夜到皇州玉  
階金井無處不風流 悵望翠華春欲暮六宮都鎖春  
愁煖風吹動繡簾鈎飛花委地時轉玉香毬

欽定四庫全書

花草粹編  
卷十三

九

二

不見隋河堤上柳綠陰流水依依龍舟東下疾於飛千  
條萬葉濃翠染旌旗 記得當年春去也錦帆不見西  
歸故拋輕絮點人衣如將亡國恨說與路人知

三

不見陶家門外柳柴扉一徑遙通閉門終日掩清風感  
君高節綠陰向人濃 籬落蕭疎鷄犬靜日長飛絮濛  
濛先生一醉萬緣空經時高卧不到翠陰中

四

不見都門亭畔柳春來綠盡長條柳邊行色馬蕭蕭一  
枝折贈相見又何朝酒盡曲終人去也風前亦自無  
聊祇應於我恨偏饒東君特地付與沈郎腰

五

不見灞陵原上柳往來過盡蹄輪朝離南楚暮西秦不  
成名利贏得鬢毛新莫怪枝條憔悴損一生唯苦征  
塵兩三煙樹倚孤村夕陽影裏愁殺宦游人

夏景

永叔

池外輕雷池上雨  
雨聲滴碎荷聲  
小樓西角斷虹明  
欄干倚處待得月華生  
燕子飛來窺畫棟  
玉鈎垂下簾旌  
涼波不動簾紋平  
水晶雙枕傍有墮釵橫

絳華堂進泛索

張掄

聞道彤廷森寶仗  
霜風逐雨驅雲  
六龍扶輦下青冥  
香隨鸞扇遠日映赭袍明  
簾捲天街人頂戴  
滿城喜氣氤氳等閒散  
作八荒春祇知天意好  
昨夜月華新

毛文錫

暮蟬聲盡落斜陽  
銀蟾影挂瀟湘  
黃陵廟側水茫茫  
楚山紅樹煙雨隔  
高唐岸泊漁燈  
風颭碎白蘋遠散濃  
香靈娥鼓瑟韻清商  
朱絃淒切雲散碧天長

牛希濟

峭碧參差十二峯  
冷煙寒樹重重  
瑤姬宮殿是仙蹤  
金鑪珠帳香靄晝偏濃  
一自楚王驚夢斷  
人間無路相逢  
至今雲雨帶愁容  
月斜江上征棹動晨鐘

二

江繞黃陵春廟閒  
嬌鶯獨語關關滿  
庭重疊綠苔斑  
陰雲無事四散自歸山  
簫鼓聲稀香燼冷  
月娥歛盡灣環  
風流皆道勝人間  
須知狂客判死為紅顏

三

素洛春光潏灩平  
千重媚臉初生  
凌波羅襪勢輕輕  
煙籠日照珠翠半分明  
風引寶衣疑欲舞  
鶯迴鳳翥堪驚也  
知心許恐無成  
陳王辭賦千載有聲名



四

柳帶搖風漢水濱  
平蕪兩岸爭勻鴛鴦對浴浪痕新  
弄珠游女微笑自含春  
輕步暗移蟬鬢動羅裙風惹輕塵  
水精宮殿豈無因  
空勞纖手解珮贈情人

五

洞庭波浪颭晴天  
君山一點凝煙此中真境屬神仙  
玉樓珠殿相應月輪邊  
萬里平湖秋色冷星辰垂影參然  
橘林霜重更紅鮮  
羅浮山下有路暗相連

梅

李易安

庭院深深深幾許  
雲窻霧閣春遲為誰憔悴損  
芳姿夜來清夢好應是發南枝  
玉瘦檀輕無限恨南樓羌管  
休吹濃香吹盡有誰知  
暖風遲日也別到杏花肥

二

庭院深深深幾許  
雲窻霧閣常扃柳梢梅萼漸分明  
春歸秣陵樹人客建安城  
感月吟風多少事  
如今老去無成誰憐憔悴更彫零  
燈花空結盡離別共傷情

寄外

劉氏  
茗溪  
漁隱

千里長安名利客，輕離輕散尋常難。  
禁三月好風光滿，階芳草綠一片。  
杏花香，記得年時臨上馬，看人眼淚。

汪汪如今不忍更思量，恨無千日酒空斷。  
九迴腸。劉章  
大虎

妻名彤  
字文美

立春寄季順妹

延安夫人

一夜東風穿綉戶，融融暖應佳時。  
春來何處最先知。平明堤上柳，染遍鬱金枝。  
姊妹嬉遊時節近，今朝應怨。

來遲憑誰說與到家期  
玉釵頭上勝留待遠人歸

熟水

易少夫人

何處甘泉來席上嫩黃初沸  
銀瓶月團嘗罷有餘清惠  
山名品在歌舞暫留停  
欲賞壑源新氣味不應兼進  
豨苓此中端有淡交情  
相如方病酒一飲骨毛輕

接賢賓

毛文錫

香鞦韆檐五花驄值春景  
初融流珠噴沫蹀躞汗血流  
紅少年公子能乘馭金鑣  
玉轡瓏璵為惜珊瑚鞭不

下驕生百步千蹤信穿花從拂柳向九陌追風

荷花媚

霞苞露荷碧天然地別是風流標格重重青蓋下千嬌  
照水好紅紅白白 每悵望明月清風夜甚低迷不語  
妖邪無力終須放船兒去清香深處住看伊顏色

鞦韆紅

粉香尤嫩衾寒可慣怎奈向春心已轉玉容別是一般  
閑婉悄不管桃紅杏淺 月影簾櫳金堤波面漸細細

香風滿院一枝折寄故人雖遠輒莫使江南信斷

憶江南

馮延巳

去歲迎春樓上月正是西窓夜涼時節玉人貪睡墜釵  
雲粉消粧薄見天真人非風月長依舊破鏡塵箏一  
夢經年瘦今宵簾幙颺花陰空餘枕淚獨傷心

二

今日相逢花未發正是去年別離時節東風次第有花  
開恁時須約却重來重來不怕花堪折祇怕明年花

發人離別別離若向百花時東風彈淚有誰知

尋梅

沈會宗

幽香淺淺濕未透認雪底思來始有剪裁尚覺瓊瑤皴  
苦寒中越恁骨清肌瘦東風氣象園林舊又今年而  
今時候急宜小摘當罇酒選一枝且付玉人纖手

二

今年早覺花信蹉想芳心未應悞我一日小徑幾回過  
始朝來尋見雪痕微破眼前大抵情無那好景色只

銷此箇春風爛漫都且可是而今枝上一朶兩朶

繫裙腰

張子野

清霜蟾照夜雲天朦朧影畫勾欄人情縱似長情月美  
一年又能得幾番圓 欲寄西江題葉字流不到五亭  
前東池始有新荷綠尚小如錢問何日藕幾時蓮

劉叔儼

山兒轟轟水兒清船兒似葉兒輕風兒更沒人情月兒  
明厮合湊送人行 眼兒款款淚兒傾燈兒更冷清清



遭逢鴈兒又沒前程一聲聲怎生得夢兒成

魏夫人

芳草渡

燈花耿耿漏遲遲人別後夜涼時西風瀟灑夢初回誰  
念我就單枕皺雙眉錦屏綉幌與秋期腸欲斷淚偷  
垂月明還到小窓西我恨你我憶你你爭知

秋藥香引

相思

柳耆卿

留不得光陰催促有芳蘭歇好花謝唯頃刻彩雲易散  
琉璃脆驗前事端的風月夜幾處前蹤舊跡忍思憶

詞話卷十三  
這回望斷永作終天隔向仙島歸冥路兩無消息

少年心

黃魯直

對景惹起愁悶染相思病成方寸是阿誰先有意阿誰  
薄倖斗頓恁少喜多嗔合下休傳音問你有我我無  
你分似合歡桃核真堪人恨心兒裏有兩箇人人

七娘子

向子諲

山圍水繞高唐路恨密雲不下陽臺雨霧閣雲窓風亭  
月戶分明携手同行處而今不見生塵步但長江無

語東流去滿地落花漫天飛絮誰知總是離愁做

頤堂

花明霧暗非花霧似春屏短夢無憑據夜月將來曉燈  
催去半衾餘暖空留住情柔意密愁千縷想一聲鷄  
唱東城路暫作行雲暫為行雨陽臺望極人何處

一剪梅

舟過  
吳江

蔣勝欲

一片春愁待酒澆江上舟搖樓上帘招秋娘渡與秦娘  
橋風又飄飄雨又蕭蕭何日歸家洗客袍銀字笙調

心字香燒流光容易把人拋紅了櫻桃綠了芭蕉

客中新雪

方秋崖

誰剪輕瓊做物華春遶天涯水遶天涯園林曉樹恁橫  
斜道是梅花不是梅花宿鷺聯拳倚斷槎昨夜寒些  
今夜寒些孤舟策笠釣烟沙待不思家怎不思家

晏壁

客路輕寒笑散貂一半春銷一半魂銷滿城風雨冷蕭  
蕭去歲花朝今歲花朝記得樓西畫扇招汗濕鮫綃

淚濕鮫綃別時楊柳又長條人在溪橋月在溪橋

劉潛夫

陌上行行恠府公還是文窮還是詩窮下車上馬太匆  
匆來是春風去是秋風 階銜免得管兵農嬉到昏鐘  
睡到齋鐘不須提岳與知宮喚作溪翁喚作山翁

程正伯

小會幽歡正及時花也相宜人也相宜寶香未斷燭光  
低莫厭杯遲莫恨懽遲 夜漸深深漏漸稀風已侵衣

露已沾衣一盃重勸莫相違何似休歸何似同歸

徐淵子似道

學道從來不則聲行也東銘坐也西銘爺娘死後更伶  
仃也不看經也不齋僧却言淵子太狂生行也輕輕

坐也輕輕他年青史總無名你也能亨我也能亨淵子天台

人初官戶曹其長方以道學自高每以輕銳抑之適其  
長以母死去官淵子賦此詞

咸淳甲子又復經量湖南 醴陵士人

宰相巍巍坐廟堂說着經量便要經量那箇臣僚上一

章頭說經量尾說經量  
輕狂太守在吾邦聞說經量  
星夜經量山東河北久拋荒好去經量胡不經量

春別

虞集

荳蔻稍頭春色闌風滿前山雨滿前山杜鵑啼血五更  
殘花不禁寒人不禁寒 離合悲歡事幾般離有悲歡  
合有悲歡別時容易見時難怕唱陽闌莫唱陽關

李易安

紅藕香殘玉簾秋輕解羅裳獨上蘭舟雲中誰寄錦書

來鴈字回時月滿西樓  
花自飄零水自流一種相思  
兩處閒愁此情無計可消除  
纔下眉頭又上心頭

易被妻

染淚脩書寄彥章  
貪做前廊忘却回廊  
功名成遂不還鄉  
石做心腸鐵做心腸  
紅日三竿懶畫粧  
虛度韶光瘦損容光  
相思何日得成雙  
羞對鴛鴦懶對鴛鴦

唐多令

劉改之

蘆葉滿汀洲  
寒沙帶淺流  
二十年重到南樓  
柳下繫船



猶未穩能幾日是中秋  
黃鶴斷磯頭故人今在否  
舊江山都是新愁  
欲買桂花重載酒  
終不似少年遊

惜別

吳君特

何處合成愁  
離人心上秋  
縱芭蕉  
不雨也颼颼  
都道晚涼天氣好  
有明月怕登樓  
年事夢中休  
花空煙水流  
燕辭歸客尚淹留  
垂柳不縈裙帶住  
謾長是繫行舟

鄧光薦

雨過水明霞  
湖回岸帶沙  
葉聲寒飛透  
窓紗懊恨西風

吹世換更吹我落天涯 寂寞古豪華烏衣日又斜說  
興亡燕入誰家惟有南來無數鴈和明月宿蘆花

茗溪故妓

尹煥野語

蘋末轉清商溪聲供夕涼緩傳盃催喚紅粧慢綰烏雲  
新浴罷裙拂地水沉香 歌短舊情長重來驚鬢霜悵  
綠陰青子成雙說着前歡佯不采颺蓮子把鴛鴦

惟晚嘗於茗溪籍中偶有所盼後十年復訊舊游則  
已歸一宗子矣雖經生子而名未落籍因假於郡將  
久之始來相對若不勝情者為賦  
此詞人以為可繼杜牧之之事云

蝶戀花

李後主

暹夜亭臯閒信步  
乍過清明早覺傷春暮  
數點雨聲風  
約住朦朧淡月雲來去  
桃李依依春暗度  
誰在秋千  
笑裡低低語  
一片芳心千萬緒  
人間沒箇安排處

見樽前集

本事曲以為  
山東李冠作

馮延巳

花外寒鷄天欲曙  
香印成灰起坐渾無緒  
庭際高梧凝  
宿霧卷簾雙鵲驚飛去  
屏上羅衣閒綉縷  
一餉關情

憶遍江南路  
夜夜夢魂休  
謾語已知前事無情處

二

蕭索清秋珠泪墜  
枕簟微涼展轉渾無寐  
殘酒欲醒中夜起  
月明如練天如水  
堦下寒聲啼絡緯  
庭樹金風悄悄重門閉  
可惜舊歡携手地  
思量一夕成憔悴

三

幾度鳳樓同飲宴  
此夕相逢却勝當時見  
低語前歡頻轉面  
雙眉歛恨春山遠  
蠲燭淚流羌笛怨  
慙慙羅衣

欲唱情猶懶醉裡不辭金爵滿陽關一曲腸千斷

四

幾日行雲何處去忘了歸來不道春將暮百草千花寒  
食路香車繫在誰家樹淚眼倚樓頻獨語雙燕飛來  
陌上相逢否撩亂春愁如柳絮悠悠夢裡無尋處

晏同叔

簾幕風輕雙語燕午醉醒來柳絮飛撩亂心事一春猶  
未見餘花落盡青苔院百尺朱樓閒倚遍薄雨濃雲

抵死遮人面消息未知歸早晚斜陽只送平波遠

二

檻菊愁烟蘭泣露羅幕輕寒燕子雙飛去明月不諳離  
恨苦斜光到曉穿朱戶昨夜西風彫碧樹獨上高樓  
望盡天涯路欲寄彩牋憑尺素山長水濶知何處

三

黎葉踈紅蟬韻歇銀漢風高玉管聲淒切枕簟乍涼銅  
漏咽誰教社燕輕離別草際蟲吟珠露結宿酒醒來

不記歸時節多少衷腸猶未說朱簾一夜朦朧月

小山

醉別西樓醒不記春夢秋雲聚散真容易斜月半窓還  
少睡畫屏閒展吳山翠衣上酒痕詩裡字點點行行  
總是淒涼意紅燭自憐無好計夜寒空替人垂淚

二

欲減羅衣寒未去不捲珠簾人在深深處殘杏枝頭花  
幾許啼紅正恨清明雨盡日沉香烟一縷宿酒醒遲

惱破春情緒遠信還因歸燕誤小屏風上西江路

三

碧落秋風吹玉樹翠節紅旌晚過銀河路  
休笑星機停弄杼鳳幃已在雲深處  
樓上金針穿綉縷誰管天邊  
隔歲分飛苦試等夜闌尋別緒  
浪痕千點羅衣露

四

碧玉高樓臨水住紅杏開時花底曾相遇  
一曲陽春春已暮  
曉聲鶯斷朝雲去  
遠水來從樓下路  
過盡流波



未得魚中素月細風尖  
垂柳渡夢魂常在分襟處

五

夢入江南煙水路行盡江南不與離人遇  
睡裡銷魂無說處覺來惆悵佳期誤  
欲盡此情書尺素浮鴈沉魚  
終了無憑據却倚鯤絃歌別緒斷腸移破秦箏柱

六

黃菊開時傷聚散曾記花前共說深深願  
重見金英人未見相思一夜天涯遠  
羅袖同心閒結徧帶易成雙

人恨成雙晚欲寫綵箋書別怨枕痕早已先書滿

丁謂之

十二層樓春色早三殿笙歌九陌風光好堤柳岸花連  
複道玉梯相對開蓬島鶯囀喬林魚在藻太液微波  
綠闌王孫草南闕萬人瞻羽葆後天祝聖天難老

情景

宋子京

綉幕茫茫羅帳捲春睡騰騰困入嬌波慢慢隱隱枕痕留  
玉臉膩雲斜溜釵頭燕遠夢無端懽又散淚落胭脂

界破蜂黃淺整了翠鬟勻了面芳心一寸情何限

杜壽域

籬落繁枝千萬片猶自多情似雪隨風轉昨夜笙歌容易散酒醒添得愁無限樓上春雲山四面過盡征鴻暮景烟深淺一晌凭欄人未見紅綃掩淚思量遍

二

惆悵留春留不住欲到清和背我堂堂去飛絮落花和細雨淒涼庭院流鶯度更被閒愁相賺誤夢斷高唐

回首桃源路一晌  
沉吟無意緒  
分明往事今何處

三

整頓雲鬟初睡起  
庭院無風盡日簾垂地  
畫閣巢新燕  
聲喜楊花狂散無拘繫  
近來早是添憔悴  
金縷衣寬  
賽過宮腰細  
冉冉光陰似流水  
春殘鶯老人千里

春思

趙元鎮

盡日東風吹綠樹  
向晚輕寒數點催花雨  
年少淒涼天  
賦與更堪春思縈離緒  
臨水高樓携酒處  
曾倚哀絃

歌斷黃金縷樓下水流何處去凭欄目送蒼烟暮

別恨

吳子和

急水浮萍風裏絮恰似人情恩愛無憑據去便不來來  
便去到頭畢竟成輕負 簾卷春山朝又暮鶯燕空忙  
不念花無主心事萬千誰與訴斷雲零雨知何處

春思

前人

滿地落紅初過雨綠樹成陰紫燕風前舞烟草低迷紫  
小路晝長人靜倚朱戶 沉水香銷新剪苧歌枕朦朧

花底聞鶯語春夢又還隨柳絮等閒飛過東牆去

佳人

李冠

貼鬢香雲雙綰綠柳弱花嬌一點春心足不肯玉簫閒  
度曲惱人特把青蛾蹙靜夜溪橋霜薄屋獨影行歌  
驚起雙鸞宿愁破酒闌闌夢熟月斜窗外風敲竹

春暮

永叔

庭院深深深幾許楊柳堆煙簾幙無重數金勒彫鞍遊  
冶處樓高不見章臺路雨橫風狂三月暮門掩黃昏

無計留春住  
淚眼問花花不語  
亂紅飛過秋千去

懷舊

前人

一作俞克成

海燕雙來歸盡棟簾影無風  
花影頻移動半醉海棠春  
睡重綠鬟堆枕香雲擁  
翠被雙盤金縷鳳憶得前春  
有箇人人共花裏鶯聲時  
一弄日斜驚起相思夢

春恨

柳永

竚立危樓風細細  
極望春愁黯黯生  
天際草色煙光殘  
照裏無言誰會凭欄意  
擬把踈狂圖一醉  
對酒當歌

強樂還無味衣帶漸寬終不悔為伊消得人憔悴

綠楊

張子野

移得綠楊栽後院漸學宮腰二月青猶短不似灞陵作  
送遠千思萬縷東西岸幾度小眉愁不展休唱陽關  
真箇無腸斷分付與春春不管條條盡是離人怨

春暮

東坡

花褪殘紅青杏小燕子來時綠水人家曉枝上柳綿吹  
又少天涯何處無芳草墻裏秋千墻外道墻外行人



牆裏佳人笑笑漸不聞聲漸悄多情却被無情惱

離別

前人

春事闌珊芳草歇客裏風光又過清明節小院黃昏人  
憶別落紅處處聞啼鴂咫尺江山分楚越目斷魂銷  
應是音塵絕夢破五更心欲折角聲吹落梅花月

秦少游

鍾送黃昏鷄報曉昏曉相催世事何時了萬苦千愁人  
自老春來依舊生芳草忙處人多閒處少閒處光陰

幾箇人知道獨上小樓雲杳杳天涯一點青山小

二

曉日窺軒雙燕語似與佳人共惜春將暮屈指艷陽都  
幾許可無時霎閒風雨流水落花無問處只有飛雲  
冉冉來還去持酒勸雲雲且住憑君礙斷春歸路

趙德麟

捲絮風頭寒欲盡墜粉飄香日日紅成陣新酒又添殘  
酒困今春不減前春恨蝶去鶯飛無處問隔水樓高

望斷雙魚信惱亂橫波秋一寸斜陽只與黃昏近

司馬槁

妾本錢塘江上住  
花落花開不管流  
年度燕子却啣春  
色去黃昏幾度瀟瀟雨  
蟬鬢犀梳雲欲吐檀板新聲  
唱徹黃金縷酒醒夢回無覓處  
淒涼明月生秋浦

春渚紀聞云司馬才仲初在洛下晝寢夢一美姝牽帷而歌云妾本云云瀟瀟雨才仲愛其詞因詢曲名云是黃金縷且曰後日相見於錢塘江上及才仲以東坡荐應制舉中等遂為錢塘幕官其廨舍後堂蘇小墓在馬時泰少章為錢塘尉為續其詞後云蟬鬢云生秋浦不逾年或見才仲携一麗人登舟繼而

火起條不見舟尾狼忙者走報家已痛哭矣雲  
齋廣錄俱以為夢小小歌詞甚淡漁隱亦載

鞋

楊補之

端正纖柔如玉削窄鞵弓鞵暖襯吳綾薄掌上細看才  
半搦巧偷強奪嘗春酌 穩稱身材輕綽約微步盈盈  
未怕香塵覺試問更誰如樣脚除非借與嫦娥着

柳

愛日輕明新雪後柳眼星星漸欲穿窓牖不待長亭傾  
別酒一枝已入騷人手 淺淺按藍輕蠟透過盡冰霜

便與春爭秀強對青銅簪白首老來風味難依舊

二

桃萼新香梅落後暗葉藏鴉冉冉垂亭牖舞困低迷如  
着酒亂絲偏近遊人手 雨過朦朧斜日透客舍青青  
特地添明秀莫話揚鞭回別首渭城荒遠無交舊

三

蠢蠢黃金初脫後暖日飛綿取次粘窓牖不見長條低  
拂酒贈行應已輸先手 鶯擲金梭飛不透小榭危樓

處處添奇秀何日隋堤縈馬首路長人遠空思舊

曉行

周美成

月皎驚烏棲不定更漏將殘轆轤牽金井喚起兩眸清  
炯炯淚花落枕紅綿冷執手霜風吹鬢影去意徊徨  
別語愁難聽樓上闌干橫斗柄露寒人遠鷄相應

石孝友

別後相思無限憶欲說相思要見終無計擬寫相思將  
近似如何盡得相思意眼底相思心裏事縱把相思

寫盡憑誰寄多少相思都做淚一齊淚損相思字

二

薄倖人人留不住楊柳花時還是成虛度一枕夢回春  
又去海棠吹落胭脂雨金鴨未銷香篆吐斷盡柔腸  
看取沉烟縷獨上危樓凝望處西山暝色連南浦

題扇

金章宗

歸潛志

幾股湘江龍骨瘦巧樣翻騰疊作湘波皺金縷小鈿花  
草鬪翠條更結同心扣金殿珠簾閒永晝一握清風

暫喜懷中透，忽聽傳宣須急奏。輕輕褪入香羅袖。

清明前兩日聞燕

汪宗臣

年去年來來去早，恁底不來庭院春光老。知過誰家翻  
別調，家家望斷飛蹤宵。千里瀟湘烟渺渺，不記彫梁  
舊日恩多少。匝近清明簷外叫，故巢猶在朱簷曉。

一籬金

李石才

武陵春色濃如酒，遊冶才郎初試花間手。絳蠟燒殘人  
靜後，眉峯便作傷春皺。一霎風狂和雨驟，柳嫩花柔



揮不禁僂憊明日餘香知在否粉羅猶有殘紅透

捲珠簾

魏夫人

記得來時春未暮執手攀花袖染花梢露暗卜春心共  
花語爭尋雙朶爭先去多情因甚相辜負輕拆輕離  
欲向誰分訴淚濕海棠花枝處東君空把奴分付

李易安

淚搵征衣脂粉煖四疊陽闌唱了千千遍人道山長山  
又斷蕭蕭微雨聞孤館惜別傷離方寸亂忘了臨行

酒盞深和淺若有音書憑過鴈東萊不似蓬萊遠

二

暖雨清風初破凍柳眼梅腮已覺春心動酒意詩情誰  
與共淚融殘粉花鈿重乍試夾衫金縷縫山枕斜欹  
枕損釵頭鳳獨抱濃愁無好夢夜闌猶剪燈花弄

上巳召親族

前人

永夜懨懨懽意少空夢長安認取長安道為報今年春  
色好花光月影宜相照  
隨意杯盤雖草草酒美梅酸

恰稱人懷抱醉莫插花莫笑可憐春似人將老

送春

朱淑真

樓外垂楊千萬縷欲係青春少住春還去猶自風前飄  
柳絮隨春且看歸何處 滿目山川聞杜宇便做無情  
莫也愁人意把酒送春春不語黃昏却下瀟瀟雨

鳳棲梧

杜壽域

新月羞光影庭樹窗外芭蕉數點黃昏雨何事秋來無  
意緒玉容寂寞雙眉聚 一點銀釭扁繡戶莎砌寒蛩

歷歷啼聲苦孤枕夜長君信否披衣顛坐魂飛去

魚水同歡

哀長吉

棣萼樓前佳氣藹欣遇稱觴正斗杓移亥三兩日來連  
慶會賀賓喜色增加倍未遜徐雛分小大好比晉朝  
二陸休聲在更祝靈椿顏不改三蘇相繼居台宰

慶靈椿

壽胡夫  
人生日

黃右曹

翰

瑞溪庭滿園秋色好簾幙低垂一牀簪笏人間盛沉檀  
影裏笙歌沸處齊捧瑤卮習禮復明詩胡氏清畏人

知壽堂已慶靈椿老年年歲歲重添嫩葉頻長繁枝

雨中花令

贈胡楚中

張子野

近鬢綵鈿雲鴈細

大雲鴈小雲鴈

好客艷花枝爭媚

花枝十二學雙

燕同栖還並翅

雙燕

我合着你難分離合這佛面前生

應布施

金浮圖

你更看蛾眉下秋水

眉

似賽九底見他三

五二

胡

正悶裏也須歡喜

悶子

撥棹子

黃山谷

歸去來歸去來攜手舊山歸去來有人共對月樽壘橫

一琴甚處逍遙不自在 閒世界無利害何必向世間  
耳幻愛與君釣晚煙寒瀨蒸白魚稻飯溪童供筍菜

二

煙姿媚水容薄芳渠嫩隱映新萍池閣擷英人去後清  
香微綻透真珠簾幙 似無語含情垂綵佩戲芳陰漸  
許纖鮮相託西風直須愛惜看看濃艷伴秋光零落

贊成功

毛文錫

海棠未坼萬點深紅香苞緘結一重重似含羞態邀勒

春風蜂來蝶去任逸芳叢  
昨夜微雨飄灑庭中忽聞

聲滴井邊桐美人驚起坐聽晨鐘快教折取戴玉瓏璵

定風波

永叔

把酒花前欲問它對花何惜醉顏酡春到幾人能爛賞  
何況無情風雨等閒多  
艷樹香叢都幾許朝暮惜紅

愁粉奈情何好是金船浮玉浪相向十分深送一聲歌

詠梅

葉夢得

破萼初驚一點紅又看青子映簾櫳  
冰雪肌膚誰復見

清淺尚餘踈影照晴空  
惆悵年年桃李伴腸斷祗應  
芳信負東風待得微黃春亦暮烟雨半和飛緒作濛濛

張子野

西閣名臣奉詔行南牀更部錦衣榮中有瀛仙賓與主  
相遇平津選首更神清  
溪上玉樓同宴喜歡醉對堤

盃葉惜秋英盡道賢人聚吳分試問也應中有老人星

雲溪席上同會者六人楊元素侍讀劉孝  
升吏部子瞻公擇二學士陳待舉賢良

東坡



月滿茗溪照夜堂五星一老聞光芒十五年間真夢裏  
何事長庚對月獨淒涼 綠髮蒼顏同一醉還是六人

冷笑水雲鄉賓主談鋒誰得似看取曹劉今對兩蘇張

東坡云余昔與張子野劉孝叔李公擇陳令舉楊元  
素會于吳興時子野作六客詞其卒章盡道賢人聚  
吳分試問也應旁有老人星凡十五年再過吳興而  
五人者皆已亡矣時張仲謀與曹子方劉景文蘇伯  
固張秉道為坐客仲  
謀請作後六客詞云

重陽

東坡

與客携壺上翠微江涵秋影鴈初飛塵世難逢開口笑

年少菊花須插滿頭歸 酩酊但酬佳節了雲嶠登臨  
不用怨斜暉古往今來誰不老多少牛山何必更沾衣

金蕉葉

夜宴

柳耆卿

厭厭夜飲平陽第添銀燭旋呼佳麗巧笑難禁艷歌無  
間聲相繼準擬幕天席地 金蕉葉泛金波霧未更闌  
已盡狂醉就中有箇風流暗向燈光底惱徧兩行珠翠

明月逐人來

李持正

改齊謾錄

星河明淡春來深淺紅蓮正滿城開遍禁街行樂暗塵

香拂面皓月隨人近遠  
天半鰲山光動鳳樓兩觀東  
風靜珠簾不捲玉輦待歸雲外聞絃管認得宮花影轉

李太師  
所撰譜

漁家傲

晏同叔

畫鼓聲中昏又曉時光只解催人老求得淺懽風日好  
齊揭調神仙一曲漁家傲  
綠水悠悠天杳杳浮生豈  
得長年少莫惜醉來開口笑須信道人間萬事何時了

秋思

范希文

塞下秋來風景異，衡陽鴈去無留意。  
四面邊聲連角起，千嶂裏長烟落日孤城閉。  
濁酒一盃家萬里，燕然未勒歸無計。  
羌管悠悠霜滿地，人不寐，將軍白髮征夫淚。

冬景

六一

十月小春梅蕊綻，紅爐暖閣新粧遍。  
錦帳美人貪睡煖，羞起懶，玉壺一夜冰漸滿。  
樓上四垂簾不捲，天寒山色偏宜遠。  
風急鴈行吹字斷，紅日晚，江天雪意雲撩亂。

春景

王介甫

平岸小橋千嶂抱，揉藍一水，紫花草茅屋。數間牕窈窕，  
塵不到，時時自有春風掃。午枕覺來聞語鳥，歎眠侶  
聽朝鷄，早忽憶故人。今總老，貪夢好，茫茫忘了邯鄲道。

漁父

謝無逸

秋水無痕清見底，蓼花汀上西風起。一葉小舟煙霧裏，  
蘭棹艤柳條，帶雨穿雙鯉。自嘆直鉤無處使，笛聲吹  
散雲山翠。鱸落霜刀紅縷細，新酒美，醉來獨枕蓑衣睡。

王采

日月無根天不老  
浮生揔被消磨了  
陌上紅塵常擾擾  
昏復曉一場大夢  
誰能覺  
洛水東流山四遠  
路傍幾箇新華表  
見說身在官職好  
爭信道冷煙寒雨埋荒草

杜安世

踈雨才收淡泞天  
微雲綻處月嬋娟  
寒鴈一聲人正遠  
添幽怨那堪往事思量徧  
誰道綢繆兩意堅  
水萍風絮不相緣  
舞鑑鸞腸虛寸斷  
芳容變好將憔悴教伊見

春恨

周美成

幾日輕陰寒惻惻東風急處花成積醉踏陽春懷故國  
歸未得黃鸝久住如相識 賴有蛾眉能暖客長歌屢  
勸金盃側歌罷月痕來照席貪歡適簾前重露成涓滴

漁父

張仲宗

鶴林

釣笠披雲青嶂繞綠蓑雨細春江渺白鳥飛來風滿棹  
收綸了漁童拍手樵青笑 明月太虛同一照浮家泛  
宅忘昏曉醉眼冷看城市鬧煙波老誰能認得閒煩惱

苕溪

樓外天寒山欲暮溪邊雪後藏雲樹小艇風斜沙嘴露  
流年度春光已向梅梢住短夢今宵還到否葦村四  
望知何處客裏從來無意緒催歸去故園正要鶯花主

憶營妓周子文

陳襲善

驚嶺峯前欄獨倚愁眉蹙損愁腸碎紅粉佳人傷別袂  
情何已登山臨水年年是常記同來今獨至孤舟晚  
颺湖光裏衰草斜陽無限意誰與寄西湖水是相思淚

丁義叟



十里寒塘初過雨，采蓮舟上誰家女。  
秋水接雲迷遠樹，天光暮，船頭忘了回來路。  
却繫蘭舟深處住，歌聲驚散鴛鴦侶。  
波上清風花上霧，無計去，月明腸斷雙棲處。

頴上陶生

為愛蓮房都一柄，雙苞雙蓋雙紅影。  
雨勢斷來風色定，秋水淨，仙郎彩女臨鸞鏡。  
妾有容華君不省，花無思愛猶相並。  
花却有情人薄，行心耿耿因花又染相思病。

二

近日門前溪水漲，郎船幾度偷相訪。  
船小難開紅斗帳，無計向合歡影裏空惆悵。  
願妾身為紅菡萏，年年生在秋江上。  
更願郎為花底浪，無隔障隨風逐雨長來往。

周紫芝

遇坎乘流隨分了，雞蟲得失能多少。  
兒輩雌黃堪一笑，堪一笑鶴長鳧短從他道。  
幾度秋風吹夢到，花姑溪玉人空老。  
喚取扁舟歸去好，歸去好孤篷一枕秋江曉。

侯彥周

過盡百花芳草滿柳絲舞困闌干煖柳外秋千裙影亂  
人逐伴舊家心性如今懶斗帳寶香凝不散黃昏院  
落鶯聲晚紅葉不來音信斷踈酒盞東陽瘦損無人管

贈鼎州官妓

李知幾

西去征鴻東去水幾重別恨千山裏夢繞綠窓書半紙  
何處是桃花溪畔人千里瘦玉倚香愁黛翠勸人須  
要人先醉問道明朝行也未猶自記燈前背立偷垂淚

段克己

龍尾溝邊飛柳絮虎頭山下花無數  
花底醉眠畱杖屨  
花上露隨風散漫飄香霧  
老去逢春能幾度不妨且  
作風流主明日不知風共雨  
回首處夕陽又下西山去

二

春去春來誰是主怨他昨夜江頭雨  
把酒問春春不語  
頭懶舉亂紅飛過秋千去  
芳草澹煙江上路鷓鴣聲  
裡斜陽暮風外榆錢無意緒  
空自舞如何買得青春住

和門人祝壽

蘇子由

樂城遺言

七十餘年真一夢朝來壽筭兒孫奉憂患已空無復痛  
心不動此間自有千鈞重 蚤歲文章供世用中年禪  
味疑天縱石塔成時無一縫誰與共人間天上隨他送

漁翁

張功甫

拂拂春風生草際新晴萬景供遊戲鷗鷺飛來斜照裏  
金和翠分明畫出真山水 遮箇漁翁無愠喜乾坤頓  
在孤篷底一曲高歌千古意閒來睡從教月到花汀外

春思

譚在庵

深意纏綿歌宛轉橫波停恨燈前見最憶來時門半掩  
春不暖梨花落盡成秋苑 疊鼓收聲颺帆影亂燕飛  
又趲東風軟目力謾長心力短消息斷青山一點和煙  
遠

破陣子

一名十拍子

李後主

四十年來家國三千里地山河鳳閣龍樓連霄漢玉樹  
瓊枝作烟蘿幾曾識干戈 一旦歸為臣虜沈腰潘鬢  
銷磨最是蒼惶辭廟日教坊獨奏別離歌垂淚對宮娥

晏同叔

湖上西風斜日荷花落盡紅英金菊滿叢珠顆細海燕  
辭巢翅羽輕年年歲歲情美酒一杯新熟高歌數闋  
堪聽不向尊前同一醉可奈光陰似水聲迢迢去未停

陸務觀

仕至千鍾良易年過七十常稀眼底榮華元是夢身後  
聲名不自知營營端為誰幸有旗亭沽酒何妨繭紙  
題詩幽谷雲蘿朝采藥靜院軒窓夕對棋不歸真箇癡

卜拍子

趙文鼎

柳絮飛時綠暗茶蘼開後春酩  
花外青帘迷酒思陌上  
晴光收翠嵐佳辰三月三  
鮮佩人逢遊女踏青草闌  
宜男醉倒畫欄檻北夢遶清江  
江水南飛鷺與並駝

晏同叔

海上蟠桃易熟人間好月常圓  
惟有擘釵分鈿侶離別  
常多會面難此情須問天  
蠟燭到明垂淚熏爐盡日  
生烟一點淒涼愁絕意謾道  
秦箏有刺絃何曾為細傳



乾  
道  
隆  
慶  
庚  
辰  
年  
秋  
月  
日

大邑中華書局

花草詩編

四

花草粹編卷十三